

賢疑諸國欲畔召位侍及拘彌姑墨子合王盡殺之不復置正劉攽曰案文正當作王但遣將鎮守其國位侍子戎
亡降漢封為守節侯莎車將君得在于寘暴虐百姓患之明帝永平三年其夫人都末出城見野豕欲射
之家乃言曰無射我我乃為汝殺君得都末因此即與兄弟共殺君得而大人休莫霸復與漢人韓融等
殺都末兄弟自立為于寘王復與拘彌國人攻欲莎車將在皮山者引兵歸於是賢遣其太子國相將諸
國兵二萬人擊休莫霸霸迎與戰莎車兵敗走殺萬餘人賢復發諸國數萬人自將擊休莫霸復破之
斬殺過半賢脫身走歸國休莫霸進圍莎車中流矢死兵乃退于寘國相蘇榆勒等共立休莫霸兄子廣
德為王例奴與龜茲諸國共攻莎車不能下廣德承莎車之敝使弟輔國侯仁將兵攻賢賢連被兵革乃
遣使與廣德和先是廣德父拘在莎車數歲於時賢歸其父而以女妻之結為昆弟廣德引兵去明年莎
車相且運等且音子余反下同患賢驕暴密謀反城降于寘反音于寘廣德乃將諸國兵三萬人攻莎車賢城
守使使謂廣德曰我還汝父與汝婦汝來擊我何為廣德曰王我婦父也久不相見願各從兩人會城外
結盟賢以問且運且運曰廣德女婿至親宜出見之賢乃輕出廣德遂執賢而且運等因內于寘兵虜賢
妻子而并其國鎖賢將歸歲餘殺之例奴聞廣德滅莎車遣五將發焉耆尉黎龜茲十五國兵三萬餘人
圍于寘廣德乞降以其太子為質約歲給鬪祭冬例奴復遣兵將賢質子不居徵立為莎車王廣德又攻
乾隆四年校刊 後漢書卷一百八列傳 七

殺之更立其弟齊黎為莎車王章帝元和二年劉攽曰案文少一也字時長史班超發諸國兵擊莎車大破之由是
遂降漢事已具班超傳莎車東北至疏勒
疏勒國去長史所居五千里去洛陽萬三千里領戶二萬二千勝兵三萬餘人明帝永平十六年龜茲王
建攻殺疏勒王成自以龜茲左侯兜題為疏勒王冬漢遣軍司馬班超劫縛兜題而立成之兄子忠為疏
勒王忠後反畔超擊斬之事已具超傳安帝元初中疏勒王安國以舅臣馨有罪徙於月氏月氏王親愛
之後安國死無子母持國政與國人共立臣馨同產弟于遺腹為疏勒王臣馨聞之請月氏王曰安國無
子種人微弱若立母氏我乃遺腹叔父也我當為王月氏乃遣兵送還疏勒國人素敬愛臣馨又畏憚月
氏即共奪遺腹印綬迎臣馨立為王更以遺腹為磐橐城侯後莎車連畔于寘屬疏勒疏勒以強故得與
龜茲于寘為敵國焉順帝永建二年臣馨遣使獻帝拜臣馨為漢大都尉兄子臣勳為守國司馬五年
臣馨遣侍子與大宛莎車使俱詣闕貢獻陽嘉二年臣馨復獻師子封牛至靈帝建寧元年疏勒王與漢
大都尉於獵中為其季父和得所射殺和得自立為王三年涼州刺史孟佺遣從事任涉將燉煌兵五百
人與代己司馬曹寬劉攽曰案文亦多己字西域長史張晏將焉耆龜茲車師前後部合三萬餘人討疏勒攻槓中
城四十餘日不能下引去其後疏勒王連相殺害朝廷亦不能禁東北經尉頭温宿姑墨龜茲至焉耆